

歷代 日記叢鈔



學苑出版社

收憑齋日記第二十四

民國紀元二年葆真年四十

一月三日是為舊曆十一月某日故城公會開常年會到者纔十人不及半數不能作正式會議俟通行各處徵同人意見再定期開臨時會

四日聞省議會初選者為張寶賢馮之愷賈衍箕崔之瑩衆議院議員初選被選者為賈厚堃張寶賢解瑩

五日王滙東言吾縣議參兩會大半皆入民主黨共和脫黨者甚衆與吾磋商事務所地址蓋議事會諸君及距城左近者皆欲設在城內而此間入黨者則欲設於此余前以分部事務所宜

設於鄭鎮之故函告支部支部來函承認因不欲改設城內矣
族人鎮峯君由武城來此

六日堂叔觀岑先生以購製戰機來乞吾資助 吾嫂患病久芻
村診治少愈矣已而又有加乃延石槽村楊書堂來診視服藥
數劑亦微有起色今日又請之來

七日鎮峯赴濟南

八日觀岑叔赴津吾祖給以銀幣四十此為第三次借款

九日訂期月之二十五日民主黨分部開成立會當即函告支部

與城內諸君

十二日前日接聘三函屬余邀王滙東赴津謀撤換縣知事余因

入城訪滙東示以聘三來書彼不肯即往曰余有此意久矣然
宜調查詳確有所據以進行乃可緩數日不遲余曰聘三且赴
滄投票月半回家年關伊邇若彼已歸能強之再往乎曰果關
係地方大局彼或不肯以家事自謝也余曰雖然能必其行乎
且此事所難者在吾輩耳官界中實有可為之機君果行吾保
即能辦到此大事幸勿忽之頃余在津籌畫此事已非一日正
待君等前往前時聘三尚不活動今幸函商聘三得其同意豈
可坐失機會乎君其勉為地方大計一行曰有孫式古者許為
余調查一切彼來再謀進行事在必行少遲無害此時滙東與
王君耀齋提倡民主黨已得四十餘名並將以余所為公啟印

而分行各處以為提倡本黨之助崔君之瑩初選當選擬明日赴滄投票亦入民主黨謂余曰本分部尚未開成立會亦未發黨證前本黨曾來函言在滄有接待所余僅持入黨願書以往其可乎願書係君介紹接待所固當知君名氏也崔君意頗忻然余曰然此次初選當選民主黨惟崔君一人國民黨一人共和黨四人超然者一人匯東心齋諸君告余請緩開成立會以新入黨各員皆回鄉提倡一時難偏各地也見賈慎修與議明年福興號立事務所於城內並出錢票事

二十日日前民主黨支部發來黨證一百九十八件名為二百件中間缺兩號係自三萬九千九百零一號至四萬零一百號並

章程等件

二十一日李子畬以辦理清鄉巡行至本鎮因過我宿焉有臨清巡防營管帶劉君同行

二十二日王蔭南來蔭南新至自京師張聘三來自滄州天河複選省議會凡二十名衆議院議員五名故城人無當選者賈厚堃以初選員亦入民主黨聘三怨吾提倡民主黨謂此次不得當選吾縣黨派多故也實則十一票以上乃能當選渠有何魔力能吸收外縣六票以上乎即同一黨派果能全縣一致乎

二十九日民主黨已得百數十人陸續來取黨證

二月四日家嫂病勢沈重久無起色石糟楊君診視三次又請師

春坡診視朝夕延請已十餘日矣

十二日民主黨訂期舊曆正月十二日開成立會函告各處黨員
屆期與會

十四日聘三為公會事訂期陰曆十三日補開常年會函告會員
屆期蒞會

十五日吾嫂之母來視疾吾嫂病勢沉重師春坡每日診治今日
又請翟季和來診

十六日因民主黨開成立會函請支部邀步夢周蒞會蔣冶亭許
之然至今晚未至

十七日民主黨假鄭鎮山西會館開故城分部成立會早十鐘黨

員陸續到會新入黨者三十餘人到會者百四十餘人請共和黨分部部長張君寶賢國民黨分部部長劉君封三濟南本黨支部黨員林君清海來會參觀三鐘搖鈴開會衆推葆真為臨時主席宣布程章次來賓演說張君演說共和政體之便民及共和國之不可無政黨劉君林君繼續演說劉君言黨派並列當融化黨見以謀國事之進行林君言民主黨之發生所以調和兩黨之發生所以調和兩黨之意見而補救其失諸君繼續推葆真演說本黨宗旨葆真辭不獲命乃言曰張劉諸君所言於政黨要義已皆道著深處該括無餘矣鄙人竊畧獻芻議與諸君一研究焉凡立憲政體之國即有國會及國會以下之省縣

鄉議會以為立法機關議員即代表全國人以發表政見然不
有術焉以歸納全國人之意思而範圍之必致意見錯出難得
多數人之同意而法不能定於是有所謂政黨者出焉聚一般
之政客研究國政於素日以定所主張儲才於夙一旦被舉乃
有把握既入議場則惟議決不至紛擾且自國會以至省縣鄉
各議會皆為法定立法機關若無政黨則其投票皆無意識之
投票名為代表實無精神之感通則被選者安能得多數有政
見之人若夫政黨則先有精神之機關如本部之統支部而分
部又屬於支部所以輔形式機關而促其進行不特輔法定機
關而已議會議員即政黨議員故其黨有政見議員即為發表

之議院之所決定形式機關未及推行者其支分部之黨員已為推行之矣如此故政府於國人能以精神相感通而事無不舉而數千年所謂麻木不仁睽隔不通之弊乃得一掃而空之此各政黨之所同而吾民主黨尤望其以學術發為政見勿以意見為政見庶幾自一縣一州推而至於一國皆隱受其益無所謂激烈亦無所謂平和凡以規畫久遠融洽中外古今之學說治術而求其適合不以抵抗他黨為能不以倚傍他黨而輕為附和果爾則政見即不同而不至為意見所掩而吾黨乃可久存不弊壞免貽他黨以口實也中國向以無黨為高以出位謀政為戒今則政權全屬吾輩全國之人各自出其意見則國

非其國矣有大政黨以範圍之既皆不放棄其權又能歸納無量數之小黨為二三大黨使政見有統系而研究有憑藉矣或謂中國無自治之能力不能為強健之政黨此則考之歷史吾愈信吾國人魄力不亞西歐而討論政治必且超過先進立憲諸國三代尚矣若觀於漢之黨錮唐之清流宋之偽學明之東林類能吸動全國之人才合力謀改良國政籌人民幸福見朝政衰弊欲發表政見以補救國之危亡不藉政府之宣示更無議會之規定純以學術之研究與箇人之搜訪以為政見與國家相抵抗惟持愛國熱誠並無絲毫勢力之憑藉輒以血肉死生抗抵惡政府前僵後繼百死不悔以視歐美愛國志士捨身

以與專制政府抗者又豈有愧色況今日熱血政客犧牲無量數之性命爭得國家全權此後全國一體而謂不能組織完備強健之政黨不亦誣乎今日分部初成政界學界商農各界咸在竊嘗謂立憲國體吾輩皆有直接參與國政之權不研究於夙末有不歸於失敗者也曠觀各國何界程度高則其佔勢力於政界亦獨大英之商界比之工界其尤顯著者也今日之會諸君畢集精神奮振意氣踴躍吾一分部如此他處可知一黨如此他黨可知吾不特為吾黨幸并可為吾國前途幸也惟望貞之以毅力久而精神愈奮則勢力擴張進步不已人才且間出不特普通政治思想輸入吾輩腦筋已也不勝大願請以此

為諸君勗並以此預為前途賀為時已晚乃匆匆投票初議分
投正副部長以時間迫促乃雙投兩票葆真以七十六票為部
長王子濤以六十五票為副部長乃推舉幹事若干名以贊成
多數者為當選共十五名分隸於庶務文書交際三科各科公
推一人為主任餘為幹事分部暫定鄭鎮偕商會為事務所

三月三十日議定再明日入都訪李執圃吳辟疆

三十一日費竣如來訪蘇良材曾與余議再明日入城謁新知事
以議定赴任邱往辭蘇君

四月一日携吾妻赴任邱尖於劉鎮宿于阜城

二日尖於獻縣宿于商家林獻縣阜城三政黨皆有惟國民黨最

勝獻縣國民黨入會費五百常年費一千

三日至河間買澄沙燒餅點心等以為餽贈品此二者皆著名之品也至二十里鋪村邊小休席地飲茶甚有風趣偕吾妻率植林曠覽野景頗可怡人自河間以上約十里一村皆大村甚便行人一十里鋪次二十里鋪次三十里鋪次新忠驛次石門橋次關張鋪三十里鋪有漢儒毛萇墓石門橋俗傳子路宿處關張鋪有子培先世明兵部尚書贈太師某公之神道碑碑去墓二三十里六鐘至任邱葦村已回津惟子培在及暮其子增重領鎗自津來為保衛社所辦也余明日將赴保定子培留之至切

四日晨起赴保定尖於高陽未至高陽車陷於淖過石門村河宿於石門村去保定十八里

五日晨起七鐘至保訪宗葆初及孫鏡忱鏡忱在法政學堂充書記近組織文官籌備所及司法促進會又在保提倡統一黨可謂能矣然亦不勝其勞也午後二鐘半赴京余之行急宗葆初留我余日晚行一日恐徐太保出京也葆初曰然則電詢北京徐太保將何日出都鏡忱為覓電話於督署卒不得乃行至京訪執圃於陸軍大學遂宿焉

六日與執圃同訪吳辟疆於後門內慈慧殿辟疆新移此寓庭堂寬敞花木甚多月租二十四金飲飯後暢談至三鐘半同謁徐太

保太保閱文集共若干首復有何著述余對他所編撰多未就
因以文集目呈覽辟疆言尚有尺牘宜刊太保云聯語亦可付
印也請於所擬先君行述填諱許之太保因屬辟疆擬文集序
並謂余可先排印然後謀刊版可也辟疆云刻資六七百元即
足用徐公云吾日內往河南小住即回青島余曰此時公可在
政界有所施為公曰現在政界諸公方事競爭內容甚亂宜少
避之余曰國事方棘我公正宜有所盡力今新進之士多無經
驗國事將誰屬乎太保閱文集目錄曰某篇是非代我所作乎
某篇是為我所作乎其稿已失可另為我鈔一分也為吾祖求
書楹聯亦許諾至民主黨本部見于澤遠遂至宗鞠如處劫傳